

Viðbrögð við vá

Táknafjarðarskóli



Birt á heimasíðu í ágúst 2020
Næsta endurskoðun í júní 2021

Viðbrögð við vá í Tálknafjarðarskóla

Neyðarupplýsingar

Mikilvægt er að hafa staðgóðar upplýsingar um hvar hægt sé að ná í aðstandendur nemenda ef slys eða aðra vá ber að höndum á skólatíma.

Munið að neyðarupplýsingarnar eru fyrst og fremst hugsaðar nemendum til öryggis.

Í byrjun hvers skólaárs útbúa kennarar möppu með nöfnum þeirra nemenda sem þar eru að öllu jöfnu auk þess að prenta út viðbrögð við vá og rýmingaráætlun. Á neyðarstöð er mappa með upplýsingum um aðstandendur allra nemenda skólans, síma, netfang og aðrar upplýsingar. Að minnsta kosti einu sinni á ári er rýming skólans æfð. Nemendur og starfsmenn taka þátt í æfingum í viðbrögðum við hættum.

Viðbragðsáætlun Tálknafjarðarskóla við rýmingu:

Starfsmenn hjálpa nemendum að yfirgefa byggingu gegnum næsta neyðarútgang og safnast saman á fyrirfram ákveðnum stað.

Ef lögreglustjóri gefur út fyrirmæli um rýmingu er öllum sem staddir eru í skólanum skylt að yfirgefa bygginguna. Almannaþingin í héraði opna fjöldahjálparstöð og halda skráningu um dvalarstaði fólks þar til því er heimilt að fara til síns heima.

Ef eldur verður laus í skólahúsnæðinu eða ef eldvarnarkerfið gefur slíkt til kynna verður skólinn rýmdur tafarlaust. Í hverju rými er spjald sem sýnir öruggustu útgönguleið.

Nemendur og starfsmenn yfirgefa skólann og safnast saman á söfnunarsvæðum fyrir framan skólann. Þeir skilja eftir allt sitt dót og hugsa um það eitt að komast út á öruggan hátt.

Ef ferðast þarf um rými sem reykur er í verður reynt að tryggja að nemendur fari með gólfum.

Kennarar taka með sér bekkjarlista og gera manntal á söfnunarsvæði til þess að tryggja að enginn hafi orðið eftir inni.

Rýming: [Sjá rýmingaráætlun Tálknafjarðarskóla](#)

Viðbrögð við vá í Tálknafjarðarskóla

Náttúruvá

Ef upp kemur vá er öryggis- og áfallaráð skólans tafarlaust kallað saman til ráðgjafar og aðstoðar.

Öryggisráð Tálknafjarðarskóla

Birna Friðbjört S. Hannesdóttir skólastjóri.

Guðlaug A. Björgvinsdóttir öryggistrúnaðarmaður.

Tilkynningar í fjölmiðlum

Öryggisráð fylgist með tilkynningum og fréttum í fjölmiðlum og farið verður eftir þeim fyrirmælum sem kunna að vera gefin.

Óveður/Fárviðri

Tilmæli um viðbrögð foreldra / forráðamanna barna í skólum og frístundastarfi

Almennt viðmið til að styðjast við um niðurfellingu skólahalds eru viðvaranir frá Veðurstofu Íslands. Þegar gular viðvaranir eru í gildi eru stjórnendur á varðbergi og með varann á sér varðandi skólahald en að öllu jöfnu ætti það að geta farið fram óbreytt. Þegar appelsínugular og rauðar viðvaranir frá Veðurstofu Íslands eru í gildi má búast við röskun eða niðurfellingu á skólastarfi. Staðan er metin hverju sinni og þá haft sértakt samráð við sveitarstjóra og almannavarnir.

Ábyrgð foreldra / forráðamanna

Mikilvægt er að foreldrar/forráðamenn fylgist sjálfir með fréttum af veðri, veðurspám og öðrum upplýsingum sem gætu haft áhrif á skóla- og frístundastarf barna og bregðist við í samræmi við aðstæður hverju sinni. Aðstæður geta þróast með ófyrirséðum hætti og verið mismunandi eftir hverfum og svæðum.

Foreldrum/forráðamönnum er alltaf heimilt að hafa börn sín heima ef veður er slæmt en ber að tilkynna það til skóla.

Ábyrgð Tálknafjarðarskóla

Þegar skólahaldi er aflýst vegna veðurs að morgni dags setur skólastjóri tilkynningu á heimasíðu og facebook síðu til upplýsingar.

Ef veður versnar mikið eða veðurútlit er það slæmt að ástæða þykir að stytta skólann, sendir skólastjóri tölvupóst til foreldra/forráðamanna.

Viðbrögð við vá í Tálknafjarðarskóla

Ef óveður skellur á, á skólatíma, verður nemendum ekki hleypt heim nema í öruggri fylgd foreldra eða annarra aðila sem til þess eru fengnir (t.d. björgunarsveit). Í slíkum tilvikum hlýtur alltaf að vera um matsatriði að ræða, þar sem taka verður tillit til aldurs nemenda. Kennarar og aðrir starfsmenn skólans munu annast nemendur þar til þeir komast heim.

Skólinn er opinn á skólatíma, skóla er ekki aflýst nema tilmæli komi frá almannavörnum um að fólk skuli halda sig heima/koma sér heim fyrir ákveðinn tíma dags.

Viðbragðsáætlun vegna jarðskjálfta á skólatíma

Ef þú ert innandyra þegar þegar jarðskjálfti byrjar– ekki hlaupa af stað.

- Haltu kyrru fyrir, mörg slys verða þegar hlaupið er af stað
- Farðu undir borð eða rúm og haltu þér í borð- eða rúmfót
- Krjúptu niður í horni við burðarvegg eða í hurðaropi við burðarvegg
- Verðu höfuð þitt og andlit með kodd- ef þú vaknar upp við jarðskjálfta
- Haltu þig frá gluggum – þeir geta brotnað
- Láttu vita af þér með SMS þegar jarðskjálftinn hættir

Ef þú er utandyra þegar þú finnur jarðskjálfta – ekki hlaupa inn

- Vertu áfram úti
- Ekki vera nálægt háum byggingum sem geta hrunið eða háum trjám
- Grjóthrun, skriður og snjóflóð geta fallið úr hlíðum og fjalllendi
- Raflínur geta verið hættulegar – varist að snerta þær
- Reyndu að komast á opið svæði þar sem byggingar þrengja ekki að

Ef þú ert að keyra bíl þegar þú finnur jarðskjálfta:

- Legðu bílnum og stoppaðu. Vegir og brýr geta skemmst í jarðskjálfta
- Hafðu sætisbeltin spennt

• Haltu kyrru fyrir í bílnum þar sem hann getur varið þig gegn brotum og braki sem fer af stað í jarðskjálfta – hlustaðu á útvarpið, þar koma jafnan fyrstu upplýsingarnar um jarðskjálftann.

Starfsmenn skólans munu annast um nemendur uns þeir verða sóttir af foreldrum/ forráðamönnum.

Önnur vá s.s. eldgos, flóð, eitranir, hryðjuverk o.fl.

Um aðra vá sem dunið getur yfir á skólatíma gilda hefðbundin viðbrögð sem snúast fyrst og fremst að því að tryggja nemendum sem mest öryggi. Ætíð verður reynt að vinna úr öllum slíkum málum í samráði við foreldra, lögreglu, björgunarlið eða hvern þann aðila sem komið getur að liði.

Viðbrögð við vá í Tálknafjarðarskóla

Eldgos

Þegar eldgos verður er hringt til foreldrara/forráðamanna ef þörf þykir.

Flóðbylgjur

Fylgja skal leiðbeiningum frá almannavarnarnefnd á svæðinu.

Eldingar

Á Íslandi er fólk oft ekki á varðbergi gagnvart hættunni sem af eldingum stafar. Hætta á eldingum getur skapast við þrumuveður og eldgos.

Viðbrögð við eldingum

- Innandryra skal aftengja öll rafmagnstæki og talstöðvar frá straumgjafa og útiloftnetum þegar gosmökk leggur yfir byggð.
- Forðist að vera í nánd við loftlínur, hávaxin tré, staura, þvottasúrur og rafmagnsvirki. Varist jafnframt mýrlendi, vötn og læki.
- Losið ykkur við allt það sem leitt getur rafmagn
- Forðast skal að nota síma.

Veikindafaraldur

Á vef embættis landlæknis er að finna áætlun sem unnið er eftir ef upp kemur veikindafaraldur.

<https://www.landlaeknir.is/smit-og-sottvarnir/vidbunadur-gegn-va/>